

Obranan di poeta Nydia Ecury den "Calabash"

WILLEMSTAD ---

Maduro & Curiel's Bank, ku plaser a laga sa ku obra di e poeta Nydia Ecury a sali publiká den "Calabash" no. 2.

Esaki ta un revista ku e fakultat di Arte i Literatura di New York University ta publiká i ku ta sali dos bes pa aña.

E kontenido ta konsistí prinsipalmente di obra literario di outor i poeta di region di Karib. Nan ta sali sea na ingles òf na e idioma nativo di kada persona ku ta kontribuí, huntu ku un vershon òf tradukshon na ingles banda di dje.

Kada obra proponé mester pasa pa un komishon editorial ku ta husga i disidí si e ta aseptabel.

Na novèmber 1995, Nydia Ecury a publiká "Un sinta den bientu", un kolekshon di 30 poëma ku "Bo Banko Amigu" a sponsor. Awor e poëma prinsipal di e kolekshon a sali publiká den e di dos edishon di "Calabash" na ingles – "My love, a ribbon in the wind" i na Papiamentu.

Otro poëma di Nydia ku e komishon a skohe pa publikashon ta "Next door patient/Pashènt aki banda".

Ademas e komishon a inkluí tres evento outobiográfiko di Nydia su hubentut, esta "No matter what", "Which other one" i "Promises should be kept".

Maduro & Curiel's Bank ta sumamente orguyoso di por a sponsor "Un sinta den bientu", mas ainda awor ku e poëma ei i mas obra di Nydia Ecury a sali den "Calabash" un revista literario merikano di prestigio.

Esnan interesá den risibí informashon tokante e revista por tuma kontakto via website:

www.nyu.edu/projects/calabash.